

Hem ia samari blo olketa seves an tritment wea kam anda lo kava blo iu. Plis ridim gud an kipim gud samwea seif fo fiucha. Fo iu save gudfala moa abaotem disfala kava, luk lo Memba Gaed, wea hem nao garem samari blo olketa Fund rul an olketa polisi o kolem mifala lo 132 331.

Hospital kava.

Save iusim hospital kava ia fo peim olketa seves we iu tekem taem iu admit lo hospital an olketa tritment iu osem wanfala praevet sikiman.

Hem ia nao olketa hospital seves wea garem Inkluded an Ekskluded anda lo kava blo iu.

Bae iu stil garem olketa ekspens blo iu seleva wea hem ovam nao amaont mifala peim ia. Bifoa iu bukim tritment blo iu, kolem mifala fo faend aot abaotem olketa benefit iu sud garem an eni ekspens wea iu seleva garem.

Olketa seves wea Inkluded o Ekskluded	
Sapot an kea fo helpem samwan kam ap gudfala lo helt an lo laef.	✓
Olketa hospital seves fo siki lo maen an tritment.	✓
Sapot an kea fo helpem pipol daonim nao pen an stres from olketa sirias siki osem cancer o hat problem.	✓
Bren an neves sistim	✓
Ae (ino olketa katarak)	✓
ia, nous, an trot	✓
Tonsil, biki limfatik tisiu stap bitwin baeksaed lo nous an trot (adenoids), an olketa tiub wea olketa putim insaed lo ia dram fo dreininim fluid from midol ia (grommets).	✓
Bon, joint an masol	✓
Olketa ripea an chenj lo joint	✓
Kidni an blada	✓
Tabu pat blo man	✓
Sistim brekem daon kakai	✓
Henia an apendiks	✓
Tochim insaed bele	✓
Tabu pat blo wuman	✓
Pikinini aot bifo bon (miscarriage) an endim babule	✓
Olketa tritment fo cancer: iusim drag den nilam insaed lo bodi (chemotherapy), iusim X-ray eneji (radiotherapy) an meresin fo helpem imiun sistim kam ap strong (immunotherapy)*	✓
Manejment blo pen	✓
Skin	✓
Sejeri blo susu (folom medikol advaes)	✓
Manejment blo siki suga (ino olketa insulin pamp)	✓
Hat an vaskiula sistem	✓
Lang an chest	✓
Blad	✓
Baksaet, nek an spaen	✓
Plastik an ripea sejeri (folom medikol advaes)	✓
Dentol sejeri*	✓
Fo sejeri lo olketa lou pat lo legi osem fut an ankol (wea podiatric dokta nao doim)+	✓
Putim olketa divaes fo herehere	✓
Olketa katarak	✓
Olketa sejeri an chenj lo joint	✓
Medikol sapot fo siki kidni	✓
Babule an bonem bebi	✓
Olketa sapot seves fo tabu pat blo wuman	✗
Sejeri fo lusim weit	✓
Olketa insulin pamp	✓
Manejment blo pen wetem divaes	✓
Olketa stadi blo silipi	✓

* Mifala bae pei nomoa fo cancer sejeri wea hem rileit lo Inkluded seves anda lo kava blo iu.

+ Fo sejeri blo tit (Dental) wea dentist nao doim an ino eni nara dokta, mifala bae peim nomoa olketa benefit fo olketa chaj blo hospital. Sapos wanfala nara dokta nao hem doim sejeri ia an olketa bilim kam MBS item, bae mifala peim nomoa olketa benefit fo olketa hospital an medikol chaj.

+ Fo sejeri blo olketa lou pat lo legi osem fut, ankol an olketa lou pat lo legi (Podiatric), mifala bae peim nomoa olketa benefit fo chaj blo hospital. No garem eni MBS item nao fo podiatric sejeri. Diswan hem minim dat mifala bae no peim eni benefit fo olketa fi blo podiatric dokta anda lo hospital kava an bae iu save mekem nao biki ekspens fo iu seleva.

Wat nao hem minim?

- Inkluded seves**
 Inkluded seves hem seves wea mifala peim nao benefit fo ova naet stei an sem-dei stei lo hospital, intensive kea, an olketa medikol seves, taem bil blo Medicare Benefit Schedule (MBS) item ota givim kam.
- Ekskluded seves**
 Ekskluded seves hem seves wea mifala bae no peim eni benefit fo hem, osem hospital stei o olketa medical seves.

Olketa komon an Sapot Seves
 Garem samfala Medicare Benefits Schedule (MBS) items wea stap fo sapotem olketa seves ia anda lo disfala kava wea benefit blo hem olketa save peim. Diswan hem garem olketa item osem stori wetem dokta insaed hospital an samfala skan, test an silipim man wea konekt wetem admit blo iu lo hospital.

Olketa seves blo ambulans
 Olketa unlimited imejensi ambulans seves fo ful Australia. Fo ambulans araev lo ples blo imejensi o transpot go lo eni hospital wea nidim fast medikol help an siki o problem blo iu hem no fit fo nara transpot tekem iu.

Pablik hospital dipatment blong aksident an imejensi
 If iu nid fo go lo wanfala pablik hospital dipatment blo aksident an imejensi, mifala nao bae peim 100% blo eni 'facility fee' wea hospital ia chajim bikos iu go lo aksident an imejensi dipatment blo olketa.
 Disfala fi ia bae hem no kavam evri medikol seves olketa givim so bae garem samfala ekspens osem fo x-ray, blad test an eni chaj wea dokta putim an hem ovam nao benefit mifala peim.

Mifala no peim eni kosmetik tritment o eniwan lo olketa seves wea hem no garem eni MBS item. Anda lo hospital kava blo iu, mifala no peim benefit go lol olketa ples blo meresin wea no stap lo list blo PBS (Pharmaceutical Benefits Scheme). Bae iu mas peim seleva samfala cost if iu nidim olketa ekspensiv meresin osem wea olketa iusim fo cancer tritment.

Disfala kava blo iu hem garem olketa benefit fo medikol seves wea dokta hem givim, an hem stap lo list blo gavman lo Medicare Benefits Schedule (MBS). MBS hem wanfala list blo medikol seves an olketa fi blo seves ia. Mifala peim 100% lo MBS fi fo:

- jenerol visit lo dokta
- olketa nara medikol seves wea hospital no garem (osem spesalist, pathologi an x-ray), bata no fo babule an bonem bebi an sapot seves fo tabu pat blo wuman
- olketa hospital medikol seves hem pat lo Inkluded seves (osem olketa fi blo dokta fo opareit an dokta fo silipim pipol)
- olketa allied helt seves bil wetem MBS item namba (osem olketa chek blo ae an seves fo olketa long-taem siki an mentol helt manejment plan).

Iu mas peim nao eni difrens bitwin benefit mifala peim an fi wea dokta chajim.

Fo sendem baek samwan.

If iu o eniwan wea kam anda lo membasip blo iu garem eni sirias disabiliti o medikol problem, wea mifala konfemim an nid fo sendem go baek lo hom kantri blo olketa, mifala save arenjim an peim cost fitim travol wetem medikol supavison (amaont save kasem \$100,000).

Taem dae hapen, mifala bae peim nao cost fitim fo sendem go baek bodi blo iu o eni narawan from membasip blo iu fo go baek lo hom kantri (amaont save kasem \$100,000).

Disfala benefit fo sendem go baek samwan lo hom kantri hem disison blo mifala.

Fo iu save gudfala moa abaotem disfala kava, luk lo Memba Gaed, wea hem nao garem samari blo olketa Fund rul an olketa polisi o kolem mifala lo 132 331.

Olketa samting wea iu nid fo save abaotem Hospital an Medikol kava blo iu.

Olketa wait taem.

Wait taem hem aplae taem iu joinem Medibank, o chenjim kava blo iu fo inkludim olketa niu o appgreid seves. Mifala bae no peim eni benefit lo eniting o seves iu tekem diuring wait taem blo iu.

Chenj from nara helt plan?

Sapos iu joinem Medibank bae iu no nidim nara wait taem diuring tufala manis wea iu livim fest Australia helt plan blo iu, an iu go tru lo datfala wait taem fo datfala seves.

No chaj fo aksident wait taem.

Sapos tufala manis wait taem hem aplae lo wanfala seves o tritment anda lo Hospital kava blo iu, bae no garem chaj fo olketa kleim from eni Aksident wea hapen afta joinem disfala kava.

Wait taem	
Nating	Olketa ambulans seves.
	Olketa nara hospital medikol seves (osem olketa jenerol dokta visit).
	Tritment fo olketa kondison wea nid fo admit lo hospital bata no garem eni kondison osem bifo.
Tufala manis	Olketa seves fo helt blo maen (psychiatric), helpem samwan gud baek (Rehabilitation) an kea fo kamfot (inkludim olketa kondison wea stap finis).
Twelf fala manis	Olketa kondison wea stap finis Wanfala siki o kondison wea lo tingting blo dokta mifala apruvjm hem konfemim dat olketa saen ia hem stap bifo finis insaed lo eni taem diuring lo siks manis period an end lo dei wea iu statem kava anda lo polisi o chenj lo kava blo iu.
	Babule an bonem bebi.
	Olketa divaes fo helpem pipol brit gud taem silipi o sotwin (CPAP).

Mek ius lo hospital kava blo iu.

Hao fo chusim wanfala hospital.

Mifala garem arenjment wetem olketa staka praevet hospital an dei sejeri lo Australia – diswan olketa kolem lo Members' Choice hospital. Fo wanfala Included seves insaed lo **Members' Choice hospital**, mifala bae peim nomoa cost blo ova naet an sem-dei stap lo hospital insaed lo shea o praevet rum, intensive kea, olketa fi blo thiata an leba wod fi. Iu sud garem gudfala valiu if iu go lo wanfala Members' Choice hospital den lo wanfala Non-Members' Choice praevet hospital bata onli if seves iu tekem ia hem included lo kava blo iu.

Fo faendem Members' Choice hospital kolsap lo iu, visitim medibank.com.au/memberschoice. Olketa Members' Choice hospital save garem chenj samtaem an no aveilabol lo evri eiria.

Sapos olketa tritim iu lo wanfala **Non-Members' Choice praevet hospital** fo wanfala Inkluded seves, bae mifala save pei nomoa fo olketa lou benefit an iu seleva bae mekem biki ekspens.

Taem olketa tritim iu olsem wanfala a **praevet peisent lo pablik hospital** fo wanfala Inkluded seves, mifala nao bae pei fo ova naet an sem-dei stei lo wanfala shea o praevet rum, intesiv kea, olketa fi blo thiata an leba wod fi. Mifala nao bae pei fo eni cost an fi blo pablik hospital aksident an imejensi ples, wetem olketa benefit fo medikol seves olketa tekem lo aksident an imejensi o aot peisent dipatment.

Benefit Plan blo meresin (PBS).

Mifala nao bae peim cost blo olketa meresin wea hem pat lo tritment blo iu lo hospital fo Inkluded seves, afta wanfala kontribuson amaont olketa aotim. Kontribuson amaont hem wanfala amaont iu mas peim fo cost blo olketa meresin wea iu nidim, an hem konekt go lo PBS pei-tugetha an olketa adim lo list evri ia.

Hospital kava blo iu hem no Inkludim nao olketa benefit fo meresin an drag wea no stap lo PBS list. Diswan minim iu mas garem biki ekspens iu bin peim seleva if iu nidim na hae cost no-PBS drag osem olketa iusim lo oncology (cancer tritment).

Chusim dokta o spesalist fo tritment.

Iu save chusim dokta o spesalist blo u taem iu tekem tritment lo hospital osem praevet peisent.

Olketa medikol divaes an tisiu produkt blo man.

Fo wanfala Inkluded seves, mifala bae peim nomoa minimam benefit wea Australia Gavman apruvim lo list blo olketa Medikol Divaes an Tisiu Produkt blo Man.

Olketa divaes fo helpem pipol brit gud taem silipi an sotwin (CPAP).

Amaont kasem \$550 nao benefit fo evri memba fo faef fala ia fo haerim o peim wanfala divaes wea olketa apruvim. Garem olketa kondison wea aplae, luk lo Memba Gaed blo iu.

Evride an Eni taem (24/7) Helt Sapot.

Olketa Medibank helt insurans memba save tok wetem wanfala rejista nes o mentol helt wakaman. #

Iu save tok lo fon o onlaen wetem 24/7 Medibank Nes an 24/7 Medibank Mentol Helt Sapot.

Kolem **1800 644 325** o stori onlaen iusim My Medibank.

Manejim akaont blo iu onlaen wetem My Medibank.

Mas apdeitim olketa ditel blo iu, chekem wat nao kava blo iu mitim, mekem peiment an staka moa. Lo My Medibank hem letem iu fo manejim helt kava blo iu lo eni ples an eni taem iu laek.

Gut samting, dat hem tu minit nomoa fo iu saen ap fo My Medibank, lo medibank.com.au/members

Iu save daonloudim nao Medibank app lo smatfon blo iu. Iu jas luk fo Medibank insaed lo app stoa blo iu o go lo medibank.com.au/mobile

Stap Gudfala.

Stap Gudfala hem givim gudfala toktok fo helpem pipol stap gudfala an garem helti laef. Hem kam wetem laefstael gaed, helt infomeison, olketa memba ofa, olketa kos an staka samting moa. Visitim medibank.com.au/livebetter fo save moa.

Samfala seves olketa advaesim bae iu mas peim seleva an bae garem wait taem.

(kontiniu lo nara pej)

Kontaktim mifala fastaem.

Chek wetem mifala.

Bifoa iu bukim o tekem tritment, iu mas kolem mifala fo ask abaotem olketa benefit wea iu ting bae iu garem an eni ekspens iu seleva bae garem.

Hem gud tu fo mas konfemim wat nao eni ekspens bae iu seleva mitim bifoa iu admit lo hospital an lukim olketa dokta (inkludim sejen, asistent sejen, an dokta fo silipim man).

Impoten infomeison.

If eni taem iu garem privilig fo tekem ful Medicare benefit o visa statas blo iu chenj (osem, iu tekm pemanent residensi), disfala kava bae hem no fitim iu nao. Plis iu mas letem Medibank save sapos sitiueison blo iu hem chenj.

Disfala Kava Samari save apdeit eni taem nomoa. Iu save daonloudim nao leitest veson from My Medibank blo iu lo medibank.com.au/members

Hao fo faend aot moa.

Helt insurans save had, hem na wae mifala redim wanfala list blo olketa wod wea iu save lukim lo onlaen lo medibank.com.au/glossary

Disfala infomeison hem blo distaem lo 1 April 2026 an save chenj eni taem. Sapos iu laek fo chenjim kava blo iu, plis kontaktim mifala lo **132 331**. Fo memba lo Medibank Praevet iu mas folom olketa Fund rul an polisi wea mifala bae save chenjim eni taem an samari blo hem lo Memba Gaed blo mifala.

Medibank Private Limited ABN 47 080 890 259